

江陰縣志卷之八

祥異

洪範卿士惟月師尹惟日見政治之得失爲祥異所由來所以儆官邪也災異莫大於水旱饑饉江邑高鄉防旱圩坦防潦沙洲防風潮民鮮蓋藏何以禦災害其他妖異雖不多見備錄之足爲恐懼修省之資而所以弭民災感天和非敢侈言徵應其必夙夜默凜於徵應之先哉志祥異

晉太康七年十二月己亥毘陵雷電南沙司鹽都尉戴亮以聞

江陰縣志

卷八

祥異

永昌二年正月赤烏見暨陽

永昌中暨陽人任谷因耕息於樹下一羽衣人就淫之旣而失所在遂有娠積月將產其人復來以刀穿其陰下出一蛇子便去谷遂成宦者後詣闕上書自言有道術帝畱宮中郭璞上疏諫不聽帝崩亡去

咸康五年四月下邳民王和僑居暨陽女可

可女名

年二十

自云上天來還得徵瑞印綬當母天下晉陵太守以爲妖收付獄至十一月有人持柘杖絳衣詣上車門口列爲聖人使求見天子門候受辭辭稱姓呂名賜其言王和女可右足下有七星星皆有毛長七寸天令可命爲

天下母奏聞卽伏誅并下晉陵誅可

隆安中輔國將軍孫無終家暨陽地中聞犬聲尋地坼有雌雄二犬子皆白色取而養之皆死後無終爲桓元誅滅尸子曰地中有犬名曰地狼夏鼎志曰掘地得犬名曰賈此蓋自然之物不應出而出爲禍也

前宋元徽中暨陽縣女於黃山穴中得二卵如斗大剖視有人形

齊建武二年魚子英於芙蓉湖捕魚得赤鯉持歸以穀養一年化爲龍

梁大同元年有鳳止於南鄉慈雲寺樹飛鳴而過故以鳳

江陰縣志

卷八

祥異

二

過名鄉

陳太建四年江水赤如血

禎明中江水赤自方州東至海

唐垂拱中縣東二十里有黃龍盤於山三日始沒今名盤龍山

宋天禧二年二月蝻蟲生

政和五年主簿俞光祖於官倉獲一烏體全白喙目脰掌俱紅待制蔣靜奉祠里居撰政和聖德瑞烏賦以進

紹興五年八月水

紹熙五年大旱民食草木

慶元元年饑死徙甚眾詔免夏賦且賑之粟  
六年大旱民乏食

開禧三年夏秋飛蝗蔽天

嘉定十一年旱蔬麥皆枯

元至元二十七年五月大水

至正十一年永凝鄉陸家一豬產十四豚內一豬身而頭  
面手足俱如人

十五年十月六日地起白虹是日午江陰州城陷

大德四年七月颶風起水暴溢民胥漂溺

明正統三年旱免糧四百六十七石

江陰縣志 卷八 祥異

五年旱免糧一萬一百四十九石

八年夏旱秋大水免租一萬六千九百六十九石

十三年旱

景泰五年正月大雪平地深三尺五月大水傷稼民乏食

賑之免租六千八百石有奇

六年夏旱蝗免租四萬七千四百五十六石

七年旱免租五萬一千一百八十石

天順四年水免租一萬三千三百三十三石有奇

七年水免租三千三百石有奇

成化元年水免麥米五萬二千六百七十石

二年水 免麥一萬二千  
五百二十七石

四年旱 免租七千  
三百石

七年水旱兩災 免麥五千八十二石糧三  
萬七千八百六十三石

八年水 免米二萬三千  
五百六十三石

九年水 免米一千九  
百七十一石

十三年水 免麥一萬六千  
七百二十七石

十七年春夏大旱秋大水滄沒田疇壞民廬舍人多溺死

免租四千六  
百五十三石

十八年旱 免麥八千三  
百四十二石

二十一年旱 免糧三萬二  
百五十石

江陰縣志 卷八 祥異

二十三年旱 免糧二萬三千  
八百五十三石

宏治三年由里定綺諸山傾泉湧秋大魚出江濬長十餘

丈身橫鬚鬣不動眾剖其肉皆純膏取以照夜未幾潮

至魚去

十八年旱 免糧三萬三千七  
百三十三石有奇

正德元年旱 免糧三萬八千六  
百九十九石有奇

三年旱 免糧一萬九千六  
百五十五石有奇

五年夏大水浸淫三月爨煙幾絕

六年夏疫

七年秋海潮溢

十年大水 免糧三千五十  
六石四斗有奇

十三年大水 免糧二萬二千二  
百四十二石有奇

十四年春地震夏秋大水 免糧四萬四千一  
百四十三石有奇

十五年麥冬秀

嘉靖二年饑

三年春地震

五年二月大雨圩坦壞二麥死七月石頭港巡檢任忠妻

王氏一產三男

七年冬地震

八年六月飛蝗蔽天食竹草葉盡

江陰縣志 卷八 祥異

十五年四月大雨雹平地積寸餘二麥死

二十三年大旱

二十四年大旱

二十五年大旱人屑榆皮以食流殍載道

三十二年雨赤豆地生白毛倭寇至

三十三年日出時有黑圓如日者百數與日並行又有覆

日如月魄而差小者日光茫昧四漏如綫

三十八年大水

四十一年大水

四十四年四月二十四日大風拔木

隆慶元年訛傳將選宮女民間嫁娶一時都盡八月二日  
大風拔木六晝夜水暴漲禾盡秕

二年正月朔風沙晝晦六月大風

萬曆元年十二月雷震

五年大水

六年蟲冬大雪木冰改折漕糧米二萬六千九百八十九石七斗一升八合每石折銀五錢

八年大水

九年秋海潮溢陡起數丈沿江居民漂沒殆盡

十一年大水免米五萬三千九百五十四石六斗八升

十五年水民食草根樹皮殆盡免本色米一萬二千六百六十石二斗四升八合折

江陰縣志

卷八 祥異

色銀七千五百九十一兩六錢三毫

十六年旱改折漕糧三分每石折銀五錢省免輕賚等銀一千五百六十六兩四錢六分一釐五毫一絲

發賑銀一千一百兩穀八百八十一石一斗四升

十七年大旱發賑疫死者載道免本色米一萬四千七百二十九石一斗三升四勺

折色銀一萬二千八百五十七兩六錢六分發賑銀五千七百兩

十八年二月二日地震

二十一年雹改折漕糧三分每石折銀五錢省免輕賚等銀一千五百六十六兩四錢六分一釐五毫

二十三年水改折漕糧正米連耗每石折銀七錢省免輕賚等銀五千二百四十九兩八錢二分七釐

一毫

二十四年水改折漕糧正米每石折銀五錢省免輕賚貼役等銀二千五百八十五兩三錢七分三釐

二毫  
二絲

二十五年春大風雨土夏秋大雨

二十六年一歲兩災

改折漕糧三分省免輕賚貼役等銀一千五百六十六兩四錢六分一釐

二十七年春久雨無麥

改折漕糧正米省免輕賚貼役等銀三千五百三十三兩二錢五分

二十九年大水無麥

改折漕糧正米二萬二千一百一十石七斗七升八合每石折銀三錢五

分七釐

三十三年夏秋大旱

三十五年正月二十五日地震七月蟲食禾八月布穀鳴

三十六年三月大雨至五月止賑之

三十七年大水禾半登

江陰縣志

卷八 冊異

七

三十八年五月連雨沒青苗殆盡

改折漕糧正耗米六千六百五十六石五斗有

奇

三十九年八月黑蟲如蠶食禾穗禳卻之

四十年夏大水秋大風禾豆損冬煖桃柳敷

四十一年雨損二麥有秋

四十四年夏大水秋旱蝗冬日暈生珥白虹貫天

四十五年飛蝗集亘數十里

四十六年春雨傷麥九月二十六日曉白氣見東南半月

而滅尋有星孛於東方移而北光長數丈亘天中

四十七年蝗

天啟元年訛傳選宮女民間嫁娶多不備禮  
二年六月九日大霧

三年九月十五夜羈人舖失火請鑰不卽發火延麗譙焚  
死羈犯四十八名邏卒二名先是五月火星入南斗十  
月退舍十二月二十二日申時地震

四年正月晦日食色紅有大星見日旁十一小日環之二  
月有大星如蛋白北移東沒四月淫雨積旬傷麥五月  
雨五晝夜不止江湖漂沒五千餘家積屍無算六月異  
星晝見去日僅尺其光動搖七月連雨三晝夜後蒔烏  
稻復漂沒

江陰縣志

卷八

祥異

八

五年正月大霧晝晦聞雷三四月淫雨傷麥六月八月天  
鼓鳴旱甚七月二十六日太白經天

六年正月雪大雷電春夏雨無麥四月天鼓鳴六月大旱  
蝗七月大風雨拔木偃禾江水溢民多溺死冬不雨饑  
民采食圖山乳石十二月二十八日木冰

七年正月朔天鼓鳴三日不絕大雨連十八晝夜十九日  
至二十一日風雨雷電大雪雹二十二日濃霧四塞鳥  
雀多凍死三月青蟲食麥苗秋蝗傷稼九月雨十一月

江流涸

崇禎二年九月不雨至十一月



三年春不雨無麥五六月大雨禾菜盡傷八月大雨苗不實

六年六月二十五日烈風猛雨圩岸衝坍飄溺人畜田禾瀕江尤甚九月二十八日風災田禾若掃

七年四月七日黑雲起東北大雷電以風雨雹麥盡秋蟲冬大風雷旣晴氣煖二麥舒穗草木花

八年春多雨夏不雨二麥損六月雨至八月損稻民饑

十年正月朔日食中秋後至明年春杪旦晚赤氣彌天月色赤

十一年四月十九日至二十四日大風損麥過半六月不

江陰縣志

卷八 祥異

九

雨八月飛蝗蔽天食禾豆草木葉殆盡捕不能絕冬旱赤氣彌天蝗遺子復生食麥苗十月二十三日五龍垂天不雨

十二年正月二十五日夜雨小黑豆四月旦晚蟲聚鳴於天五月旱蝗

十三年風霾雨土五月至七月不雨八月虎至傷人

十四年大旱米價每石三兩有虎至捕得之

十五年正月朔大雪以客歲無年民饑多疫死

十七年三月十八日月赤如血

國朝順治八年六月淫雨六晝夜禾苗爛死十月朔日食晝

幾晦

十年十一月大雪木冰

十一年六月大風拔木

十二年麥秀兩歧

十七年五月晦大雨旬日不止山裂出水平地深數尺舟

航入市古岸皆傾

十八年六月大旱日中飛雪七月蝗不爲災

康熙元年麥大稔秀兩歧秋大有年米價五錢零

二年大旱

三年彗星見

江陰縣志

卷八

祥異

十

四年七月大風拔木

七年春白氣亘天彌月六月十七日地震

八年十月雷

九年五月連雨不絕蔬禾盡沒民廬多壞

十年六月旱至八月始雨

十一年六月飛蝗蔽天

十二年正月三日夜聞雷有大魚數丈死江渚

十三年正月至五月淫雨六月至八月大旱十月至十一

月復淫雨

十五年五月至六月大雨田禾沒民廬壞

十六年五月大雨雹損麥苗六月大雨禾苗盡沒  
十七年秋大旱

十八年五月不雨至七月江湖涸禾槁民食草根榆皮賑  
之給米六千五百九十石  
銀一千八百八十三兩

十九年六月大雨積旬平地水高數尺漂沒廬舍人民死  
者不可勝紀勘報災田六十三萬二千  
一百九十三畝蠲緩銀米

二十年大疫

二十二年正月至四月淫雨麥大損十二月雷

二十四年三月大雨六日水深數尺

二十六年大風發屋拔木

江陰縣志

卷八 祥異

十一

二十七年四月朔日食歲大稔

三十年七月大風潮溢沙田淹沒

三十一年正月朔日食大有年

三十二年夏大旱秋大水冬煖桃杏梅花蠲免漕糧  
三分之一

三十四年正月朔大雪半月始止三月大雨雹五月淫雨  
十日無麥禾冬煖無雨雪蠲免漕  
糧七分

三十五年六月颶風海嘯洲民溺死數百人七月大風雨  
發屋拔木

三十七年正月朔日食夏無麥

三十八年秋蝗不為災

三十九年大有年一禾九穗

四十一年二月三日白氣丈餘自西起更餘乃滅四月淫雨無麥

四十二年大有年冬煖草木花

四十三年四月二十日大雷雨霰數日不止麥損

四十六年二日月旁有星搖動紅色秋大旱八月大雨霽

勘報災田五十七萬七千八百三十八畝蠲免地丁銀九千四百六十七兩三錢五分六釐米一百八十八石三斗七升二合賑大小饑民三十二萬六千二百七十一口給米一十萬八千六百九十一石五斗

四十七年夏大水不成災

四十八年有年

江陰縣志

卷八

祥異

三

四十九年大有年

五十一年冬地震

五十三年十月望日食既十二月大雷電

五十四年正月朔日食夏大水

五十五年夏大旱池河涸禾苗萎

勘報災田五十四萬八千二百九十七畝二分

蠲免地丁銀九千五百五十一兩一錢七分八釐米二百二十一石三斗四升九合賑大小饑民九萬二千二百六十五口給米二萬四百二十二石四斗三升三合

五十七年有年

五十八年正月朔日食大雪大有年

六十年五六兩月不雨江湖不至田禾災

勘報災田五十四萬七千三百

三十四畝一分蠲免地丁銀八千五百二十一  
九兩八分米一百九十七石六斗七升一合

六十一年五月至七月不雨七月有星自西而東聲隆隆

白光長數丈田禾災

勘報災田七十八萬七百七十八畝九分蠲免地丁銀一萬三千八百

百五十八兩九錢九分米三百三石八斗七升八合賑大小饑民一十一萬八千五百三十口給米二萬四千八百一十九石三斗貧生二百九十一名給米六十四石二升

雍正元年五月至七月不雨江湖不至八月飛蝗四塞成

災

勘報災田八十六萬七千四百五十畝六分蠲免地丁銀一萬六千三百五十七兩二錢七分六釐米三

百五十八石六斗五升六合又奉撥米煮粥賑大小饑民二十四萬五千八百三十四口用米二千四百七十八石四斗柴四十九萬五千六百八十觔貧生一百二十名給米二十一石六斗

二年七月十九日夜颶風作海潮溢瀕江及江心田岸衝

江陰縣志

卷八 祥異

三

坍廬舍多圯死者甚衆

勘報被災沙田七萬三千七百五十一畝三分蠲免蘆課銀八

百二十二兩請撥雷漕米煮賑四月計大小饑民五十八萬八千九百四十口并發銀二百兩苦蓋坍塌民房

三年二月日月合璧五星聯珠

五年大寒木冰

六年冬申港民蔡元臣妻於氏一產三男

八年大有年

十年七月十六日黃雲蓋天是晚颶風大作江湖泛溢聲

震山谷拔木毀屋平地出水數尺繼以暴雨不休南北

兩門水及城板北外浮橋漂沒傍橋里餘民舍皆壞瀕

江及各沙溺死居民數千人禾稼連根掃蕩為百年未

見之災 勘報被災漕田六萬六千八十三畝蠲免地丁銀一千一百一十九兩五錢米二十五石三斗四升四合被災沙田一十三萬二千二百六十八畝七分蠲免蘆課銀三千四百五十三兩九錢賑各沙大小饑民二萬五千一百四十七口給錢一千九百五十九千八百四十文米一百八十八石賑水師被水兵丁一百六十一名給銀一十六兩一錢後因來春青黃不接復賑大小饑民二萬九千五百三十七口給米一萬四千六百三十四石  
十斗三升五勺

十一年夏大旱秋雨不成災

十二年六月朔淫雨五晝夜六日雷電大作風雨驟至低

田災 勘報災田二十一萬二千八百三十三畝蠲免地丁銀九千九百二十五兩六錢四分米二百一十二石六斗八升七合賑大小饑民七萬六千一百八十六口給米二萬一百五十二石二斗六升

十三年秋稔

江陰縣志

卷八 祥異

齒

乾隆元年夏秋淫雨低田災

勘報災田三千四百三十四畝九分九釐蠲免地丁銀一

百五十二兩四錢三分九釐米三石二斗六升六合賑大小饑民二千四百六十七口給米六百七十石三斗五升又因冬月嚴寒將鰥寡孤獨貧民復加賑濟計大小饑民六百八十七口給米一百九十六石六斗五升

二年學宮銀杏自焚沃以水火益熾六月暴雨五晝夜不

止江湖河水泛溢低田災

勘報災田四萬九千二百畝三分八釐蠲免地丁銀二千

二百九十七兩米五十三石三合賑大小饑民三萬八千八百一十二口給米一萬七百八十九石八斗貧生五十七名給米一十七石一斗

三年五六月不雨七月東鄉蝗生蘆葦中旱益甚高田災

勘報災田五十四萬八百二十八畝蠲免地丁銀二萬五千八百三兩米一萬六千七十四石二斗九升九合賑大小饑民六萬八千三百五十五口給銀一萬二百五十一兩米九千六百四十九石九斗

四年秋有年

五年夏稔麥秀兩歧秋瀕江沙洲青蟲食苗節勘不成災  
六年七月颶風起沙洲潮溢民舍漂沒

七年秋稔

八年夏麥稔五六月淫雨低鄉被淹高田大稔

九年夏麥稔十月李樹花

十四年南門外有賃屋居者牀帳皆有血保鄰聞之官訊  
無所得疑揣間血復從地仰射發而視之竟莫知其所  
以然

十八年七月有星如月從西墜有聲

江陰縣志

卷八 祥異

十五

二十年秋大水蟲食稼八月寒霜早降禾苗盡枯民疫勘報

八分災田一萬八千三百五十七畝七釐六分五分災田  
三十二萬八千四百七十七畝四分五釐勘不成災田一十  
二萬三千一百七十四畝五分八釐蠲免地丁損腳俸  
工等銀二千八百八十三兩七錢九分三釐兵恤米六  
十三石三斗三升五  
合六勺並捐發義賑

二十一年大疫

二十二年大有年圩田倍收

二十四年秋淫雨成災勘報五分災田四十四萬九千三  
百畝一分勘不成災田一十九萬

七千四百二十一畝蠲免地丁損腳俸工等銀三千二  
百一十九兩八錢九釐兵恤米七十四石四斗八升三  
合四勺

二十九年五月地震

三十一年四月大風雨以雹西南城外吹倒石坊一座拔

起大樹二株勘報五分災田三萬二千畝勘不成災田一萬三千畝蠲免地丁損腳俸工等銀二百六十一兩六錢七釐兵恤米三石八斗四升六合三勺

三十三年三月大雨雹積地盈尺秋大旱苗不實西鄉尤

甚勘報五分災田一十萬三千畝勘不成災田三萬八千畝蠲免地丁損腳俸工等銀九百三兩一錢二釐兵恤米一十三石二斗七升八合

三十四年雨雹傷禾勘報七分災田九千八百七十七畝四分

一十一畝六分二釐勘不成災田二萬八千七百五十一畝九分四釐蠲免地丁損腳俸工等銀三百七十四兩四錢一分一釐兵恤米五石五斗四合九勺

三十六年大風雨扁擔沙飄沒四五十家

江陰縣志

卷八 祥異

三十八年春夏大雨二麥俱壞秋歉收

三十九年四月金星晝見麥歉收夏旱苗槁秋蝗勘報五分災田九萬五千六百畝一分九釐勘不成災田二萬二千八百七十八畝四分六釐蠲免地丁損腳俸工等銀六百九十九兩二錢八分四釐兵恤米一十石三斗一升三合四勺

四十年夏蝗秋大旱河流絕高下俱災勘報七分災田一十二畝一分七釐六分災田一十五萬六千九百一十七畝三分勘不成災田一十八萬六千五百二十三畝蠲免地丁損腳俸工等銀七千一百一十九兩六錢三分六釐兵恤米一百一十三石二斗八升四合二勺賑大小饑民一十一萬八千五百八十八口給銀二萬七千三百九十一兩二錢七分五釐

四十六年六月大雨颶風並作江潮溢沙洲及瀕江廬舍

俱壞居民淹斃甚眾



五十年正月朔日食五月至八月不雨河流涸絕高下俱

災民無食

勘報六分五分災田六十七萬九千五百三

十六畝五分二釐蠲免地丁項俸工等銀六千五百一十五兩一錢一分二釐漕糧行月兵恤等米三千七百五十二石七斗七合一勺賑大小饑民一十七萬七千九百七十八口給銀二萬二千三百二十五兩並捐發義賑

五十一年正月朔日食歲饑民食草根樹皮夏大疫

五十二年秋稔

五十三年夏大水晚禾傷

五十八年夏大水馬家圩成災

緩徵本年錢糧

五十九年七月大風雨拔木沙洲圩岸衝坍

江陰縣志

卷八 祥異

七

六十年正月朔日食

嘉慶元年正月大雪寒甚冰柱長幾至地樹木凍死

四年日月合璧五星聯珠

六年秋稔

十二年夏旱

十五年正月朔立春

十六年秋八月有星孛於斗柄之西長二三尺漸移而南

光芒數丈

十九年大旱七月中河水涸絕河底俱坼地生毛野蠶食

松釵幾盡歲大歉

勘報七分災田七十五萬六千一百八十九畝八分七釐勘不成災田六

萬三千一百九十六畝八分八釐蠲免本年銀米十分之二賑大小饑民一十八萬三千七百二十九口給銀二萬九千八百二十兩一錢五分並捐發義賑

二十二年三月四日夜興國寺浮圖焚

二十四年夏旱高阜災勘報勘不成災田二十一萬八千二百六十畝五分九釐緩徵本年

銀米十分之二

二十五年夏旱七月天漢中光長丈餘有聲移時漸沒

道光元年四星聚於壁夏秋大疫村里中數日之間有連

斃數十人者有一家數口盡歿者

三年夏大水被淹之家用小舟泊於屋內男女老幼食宿

其中沙洲廬舍飄埒幾盡九月水始退魚蝦甚夥人以

江陰縣志

卷八

祥異

六

為糧

勘報九分災田二十一萬三千一百七十二畝六分七釐蠲免本年銀米十分之六八分災田九萬

八千三十一畝二分九釐蠲免本年銀米十分之四七分災田五萬九千九百四十六畝七分八釐蠲免本年

銀米十分之二勘不成災田一千三百九十六畝四分七釐賑大小饑民一十五萬七千五百五十三口給銀

五萬二千二百四十四兩四錢並捐發義賑

四年十一月大風江船覆溺者甚多港口積尸無算

五年八月星孛於胃昴之南北指光長丈餘經月乃滅

七年九月有紅白暈圍日四旁又有貫於日中者至暮始

沒

九年正月朔立春七月旱

十一年夏大雨盈尺江潮暴漲水高於田秋霜早降田禾

災勘報五分災田二十萬六千二百九十六畝三分八釐勘不成災田二十三萬五千一百六十七畝七分  
四釐蠲免本年銀米十分之一  
并緩徵舊欠銀米捐發義賑

十二年冬大雪

十三年春夏陰雨麥稔七月風潮大作日光黯慘作淡綠

色十月雷雨兼旬稼傷成災

勘報勘不成災田二十八萬四千五百一十七畝九釐

釐緩徵本年銀米二分五釐分作二年帶徵並緩徵歷年舊欠捐發義賑

十四年秋大雨市可行舟

十六年秋飛蝗自北而南多集江涯山足嚙食草根穀大

稔

十七年夏蝗復生不為災六月烈風暴雨有龍自西北經

江陰縣志

卷八 祥異

九

東南江船泊浮橋內者衝破屋壁入人家大木斯拔縣

治屋脊壞

十八年十一月城西隅火流自天色青赤有聲如是者四

次

十九年正月大雪盈尺三月大雨雹積地二三寸四月復

雨雹觀山農人有獻兩歧麥者署縣陳延恩卻之而給

匾其家九月苦雨兼旬晚禾半傷

勘報勘不成災緩徵本年銀米二分四釐

江陰縣志卷之八終